

制之法踰時又將復然故曰不可長保

金玉滿堂莫之能守鬼神害盈而福謙富貴而驕自貽其咎人道惡盈而好謙

功成名遂身退君子有終天之道天地合德

又曰金玉從富貴來世之享富貴擁金玉者何以不克終而守乎以其驕也驕緣於貪貪斯戀戀而不能去故凡抱遠識者於功成名遂之後則亟思退恐盈滿之為害也則此箇退字是乃天之不盈之道漢留侯深知此道故終身不殆若越之文種吳之子胥其不知退者矣

能為章第十

載營魄神凝志道不為物遷抱一能無離二物混成如母攜嬰

道藏輯要

道德經解

九 心集一

正陽帝君注曰魂魄人之所各麗於身者也易曰精氣為物游魂為變變者神也營訓止魂屬陽精而神焉魄屬陰雜而止焉是之謂營魄載者以魂載魄也魄載魂則魄為政而嗜慾攻取將漓其性若魂載魄則魂為政而虛靈不昧日見其天抱一者抱此不二不雜之真能無離言神與一不可以須臾離也

專氣致柔能嬰兒真息悠悠如保赤子

又曰氣即形氣之氣而利害美惡分焉用之當則美而利失所當則惡而害與其逞之失所不如斂之使靜靜即所謂專也且氣易隣於剛剛者必折齒剛是以易傲也故既專而又

致柔能嬰兒者赤子純一無偽安於不識不知之天聖人之
安於無事則亦如之故曰能嬰兒即大人不失赤子之心之
謂也而生神章有云熙頤養嬰童者亦猶此意

滌除玄覽能無疵不見不聞
鑑明塵淨

又曰滌除者掃除雜穢也聖人以無事為福故於雜穢一切
掃除而玄覽其高遠日躋上達則亦何非義之有故曰無疵

愛民治國能無為不動不變
時清道泰

又曰民自具愛之之道國自有治之之道聖人如其道以愛
民亦如其道以治國所謂因物付物是也而何待於為故曰
能無為

道藏輯要

道德經解

十 心集一

天門開闔能無雌出有入無
一而不一

又曰天門者即道之門也道之開闔動用自然範圍不過曲
成不遺聖人亦先天而弗違後天而奉時已耳故曰能無雌
雌者守一之謂即君子而時中也

明白四達能無知月皎冰融
黜聰屏智

又曰齊治均平明白四達是所謂知也然見以為知則有知
之心矣有知之心則與本然之知判而為二且如鏡照物者
也物來斯照而鏡初無照物之心故明白四達雖知而究未
有知也故曰能無知

生之畜之幹旋四德
長養羣情生而不有道生萬物
無所取有為而不恃忘其所以
默默昏昏

長而不宰泰然無我是謂玄德行修德備

一任天理
脫體全真

又曰聖人體道於無所以生萬物畜萬物雖生而不自以為有雖為而不自恃雖長民而不自以為宰是謂無聲無臭之道惟精惟一之道也非玄而何故曰玄德

無用章第十一

三十幅共一轂象月之數當其無有車之用轂虛其中埏埴以

為器陰陽往來當其無有器之用竭智盡物鑿戶牖以為室象

森羅同乎一天當其無有室之用誰不由戶故有之以為利得此父母

無之以為用存我厥初

無內無外
莫非斯道

西華帝君注曰太上教人總本箇無字立論是經八十一篇

道藏輯要

道德經解

十一 心集一

惟此章揭明其旨太上無量度人經濟皆在於此車有轂則必有輻轂一而已而輻則若是之多似寡不可以勝眾乃轂則無為而輻則自為旋轉是惟轂無為而後有車之用也推之於器於室何獨不然用器者自煩而器之質固無為也謀室者恒擾而室之象亦無為也惟無斯有器之用室之用然則天下之凡有者不皆生於無乎故沒箇有則不足以見無之大而沒箇無又安克以入有之細所以末二語曰有之以為利言有之固為利矣而實無之以為用言不得這箇無難以致用也無之時義大矣哉

檢欲章第十二